



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Archicancellariis Sacri Romani Imperii Ac Cancellariis  
Imperialis Aviae**

**Mallinckrodt, Bernhard von**

**Monasteri[i] Westphaliae, 1640**

**Henricvs Avceps.**

**urn:nbn:de:hbz:466:1-11835**

mani. Nec enim Cancellarius alicuius nomine & vice, præterquam vnius Archi-Cancellarij sive Archi-Capellani, recognitionem facere potuit.

## CONRADVS I.

**A**Tque hactenus de Carolingis. sequuntur reliqui Germanici Reges, Cæsaresque, qui sine controvërsia, & contradicente nullo, pro Teutonicis reputantur. Illorum primi sunt Conradus, & Henricus Auceps; quos Papali benedictione & coronâ caruisse constat Hi quibus Epistolarum Magistris, Iuris Tutoribus, & Consiliorum Præsidibus vñ fuerint, neandum fortè satis sufficienter subodorari potui: eò quòd rariora videantur illorum Diplomata superesse. nisi tamen hinc inde in Archiuorum abditis etiam nunc delitescant, vtinam cum eiusdem generis quām plurimis alijs, quibus hactenus publicum vel negligentia, vel inuidia denegat, lucem aliquando visura! Conradi Diploma extat apud Kleinsorgium in Chron. Eccles. VVestphalia; quo an. 913, regni secundo, confirmat Corbeiensium Priuilegia: verū id à Notario aliquo vel Cancellario recognitum non est. Apud Gevvoldum *de septem-viratu*, pag. 91, num. 24, sequentem legimus subscriptionem: **VVodelfridus Cancellarius ad vicem Pelegrini Archi-Capellani recogn.** an. 912. an. Regis Conradi primo. De Pelegrino, sub Ludouico huius Conradi prædecessore, dictum est: **VVodelfridum**, adhuc quæro.

Pelegrinus  
Archi-E-  
piscopus  
Salisbur-  
gensis.  
**VVodelfri-  
dus.**

## HENRICVS AVCEPS.

**S**equitur iam Henricus Auceps, Saxonorum Cæsarum primus: cuius litteras edidit inter Othonis filij Diplomata (excusa sunt cum Widekindo Saxone & Rosvithâ) Henricus Meibomius Leingoviensis, quondam Professor Historicus Helmstadianus, pag. 116; quibus Recognitor defit. Idem hic Cæsar, (cur enim fraudem meritis titulis optimum Principem, quos nec ipsamet Canonica Iura illi denegant?) postquam Lotharingiæ regnum è manibus Gallorum liberasset, aliud Diploma emisit, quod extat apud Miræū, in Cod. donat. c. 50. & Not. Eccl. c. 153, ita subnotatum: **Hilduinus Notarius, vice Rotgeri Archi-Episcopi recognoui.** Iste Rotgerus, Treuirorum 68 in ordine Antistes fuit, vir doctus & prudens. Scripsit librum Decretorum, ac Henrico Aucipi contra Normannos bellum gerenti auxilio fuit. Sed sit an. 22. obiit an. Chr. 934. Gevvoldus etiam pag. 91. num. 25, sequentem suppeditat

Rotgerus  
Archi-E-  
piscopus  
Treueren-  
sis.

pediat recognitionem: Poppo Cancellarius, ad vicem Hildeberti Hildeber-  
tus Archi-  
Capellani, an. Domini 931. de Poppone dicam inter Cancellarios, sub sequente Imp. Hildebertus autem duodecimus fuit Moguntinus Episcopus  
Mogunti-  
Arch-Episcopus; quem hic idem Rex, ut Cuspinianus scribit in Othonem nus.  
 Magno, ob vitæ sanctimoniam, literarum eruditionem, & singularem sapientiam, ad Pontificatum Moguntinum transtulit. Sub eodem Henrico hoc, Secretarium Regium fuisse Philippum, tradit Auctōr de Torneamentis sive hastilijs; & ex illo eum refert Kirchn. lib. 1. cap. 2. ac Francisc. Modius in Pandectis Triumphantibus. Cūm autem vacillare dudum cœperit, & in dubium vocari illius Scriptoris apud doctos fides, nescio an & hac in parte illi multum fidi possit. imò pro certo statui potest, fabulosum illum Auctorem, in fictione nominis huius Secretarij, decori voluisse obseruantem videri; eaque de causâ, in equestribus exercitijs laboranti, ab equis deriuatum nomen assignâsse.

## OTHO PRIMVS.

Ventum iam est ad Othonem I, Aucupis filium; qui primæ huic de Archi-Cancellarijs parti finem imponet. sub illo sequentes hoc ordine comparent: Fridericus, Rudbertus, Heroldus, Bruno, Wilhelmus, Hatto, & iterum Rudbertus alius; quorum quatuor Moguntini Archi-Episcopi fuerunt: ideoque, si attendantur & conferantur ista, quæ hoc loco traduntur, cum illis, quæ in præcedentibus relata sunt, quæque deinceps sequentur; dubitandum nequaquam est, sub Othonem Magno Moguntinam Sedem honoratam fuisse perpetuo isto Archi-Cancellariatus Imperij iure & honore. quare secundam partem primi membra, post expeditos illos, qui aliarum Sedium fuerunt, hic ordiri conuenit. Reperio quidem vltra recensitos, Henricum etiam & Bardonem; verum lectiones istæ suspecta sunt, & Criticam manum poscere videntur, ut statim dicam. Fridericum suppeditat nobis Metro-pol. Salisb. tom. 2, pag. 506; vbi ita subscriptio habet: Poppo Cancellarius ad vicem Friderici Archi-Capellani, an. 940. Eod. tomo, pag. 372, pro Friderico corruptè Henrici nomen irrepit: quod satis euincitur ex anni, loci, (is Salza est, Saxoniæ oppidum) & recognitoris identitate. Ad vicem eiusdem Friderici Vrmus, si lectio illa genuina est, subscriptio an. 946, apud Mirænum lib. 2. Diplom. & in Not. Eccl. c. 55. Hic Fridericus non aliis credi potest, quam eius nominis Moguntinus Archi-Episcopus: qui Lotharingiæ Ducis Giselberti, eius, qui sororem Othonis Magni Gerbergam coniugem habuit, frater fuit, (perperā nonnulli filiū faciunt) & istius affinitatis beneficio, absq; omni dubio prouectus est; pro munere tamen tanto, nō satis bonam gratiam

D 2

Bene-

Fridericus  
Arch-  
Episcopus  
Mogunti-  
nus.